

Upoznavanje vina Urugvaja

Naslov originala: Exploring the Wines of Uruguay

Izvor: <https://daily.seventy.com/>

Slike sorti: <https://glossary.wein-plus.eu/>

Objavljeno: 13.01.2020. by Amanda Barnes

Prevod: Dragutin Mijatović

Sa sortama Tannat i Albariño kao glavnim zvijezdama, zemlja proizvodi neka od najistaknutijih vina u Južnoj Americi.



Vinska regija Maldonado. Slika: Bodega Garzón

Urugvaj, smješten između Argentine i Brazila, četvrti je najveći proizvođač vina u Južnoj Americi - njegova proizvodnja u 2018. godini bila je 18 miliona litara. Iako ga veze tanga i karnevala kulturno povezuju sa Argentinom i Brazilom, Urugvaj proizvodi vina jedinstvena na kontinentu.

Oblikovan blagom, atlantskom klimom, Urugvaj je više usporediv sa europskim vinskih regijama od svojih latinoameričkih susjeda, koji imaju kontinentalni, pacifički ili suptropski uticaj. „Urugvaj me više podsjeća na Portugal - malo mjesto sa morskom klimom na Atlantskom okeanu, sa promjenljivim vremenom“, kaže *Hans Vinding Diers*, konsultant vinara u **Bodega Océánica José Ignacio** iz Maldonado, koji je proizvodio vina na četiri kontinenta. "Urugvaj možete uporediti sa Bordoom, jer ima klimu atlantskog uticaja."

Klima Starog svijeta u Novom svijetu dio je razloga što se kupci interesuju za urugvajsko vina; tu je i uzbuđenje otkrivanja nečeg novog. „Ono zašto volimo urugvajsko vino je njegov potencijal da postane glavni igrač na vinskoj karti Južne Amerike“, kaže *Julio Robledo*, suvlasnik Grand Cata, prodavnice vina u Washingtonu, D.C., specijalizovane za vina latinoamerički proizvođača.

„Još je mnogo toga što možemo vidjeti i otkriti iz Urugvaja, a različitost je ključna. Mnogi naši kupci imaju određenu predstavu o Urugvaju i sorti Tannat, ali kada probaju novu bocu ili novo grožđe iz Urugvaja, definitivno se osjećaju iznenađeni kvalitetom. "

Želja za otkrivanjem jedinstvenih vinskih regija male proizvodnje vina otvara nove mogućnosti za urugvajsko vino koje se sada izvozi u 51 zemlju. „Dobar je trenutak za urugvajsko vino jer ljudi istražuju i otvoreni su za pronalaženje novih regija - milenijalci žele da razumiju terroir i pojam mjesta“, kaže kalifornijski vinar *Paul Hobbs*, koji u Urugvaju proizvodi vino sa Familijom Deicas, a takođe uvozi vina u SAD. "Mislim da je kriva rasta jasna za Urugvaj, i vjerujem da će se Urugvaj uspjeti postaviti kao jedan od manjih, ali sjajnih proizvođača vina u svijetu."



Vinski region Canalones. Slika: De Lucca Wines

Glavne vinske regije u Urugvaju

Urugvaj, dug 456 km i širok 505 km, sličane je veličine kao država Washington i ima podignute vinograde u svakoj provinciji. Vinogradi su uglavnom uz obalu - zapadna obala od grada Carmelo koja se graniče sa Buenos Airesom u Argentini, preko popularnih mjesta za surfanje istočna obala, koja se graniči sa Brazilom. Iako je srce proizvodnje vina središnja obalska regija Canelones. Područja Urugvaja se još uvijek istražuju, vinari traže različite profile od 99 klasifikovanih tipova tla i mnogo različitih mikroklima.

Canelones

Gotovo na sredini duge obale, Canelones je dom dvije trećine proizvođača vina u zemlji - većina su porodična imanja i butici koji su brojno u porastu. Sa blagom atlantskom klimom i laganim padinama, region Canelones nudi osvježavajuće obalske povjetarce i plodna glinasta tla pogodna za proizvodnju vina. Glavna prednost tog područja u prošlom vijeku, bila je njegova blizina tržištu - to je na pragu glavnog grada Montevideo, gdje živi više od trećine stanovništva zemlje.

Iako dominira sorta Tannat, u region Canelones se sadi širok spektar sorti grožđa, u rasponu od **Nero d'Avola** do **Pinot Noir**, a velika raznolikost stilova vina odražava različite osobne okusa urugvajskih vinskih obitelji. „Naša vina su najpre **Pisano**, a potom **Urugvaj**“, kaže *Daniel Pisano*, čija porodična vinarija iz regiona Canelones godišnje izvozi 60.000 litara vina u SAD uz pomoć Total Wine, trgovačkog lanca vina sa sjedištem u Bethesda, Maryland. „Naša su vina porodično iskustvo. Svako vino iz Urugvaja je drugačije. ”

Maldonado

U regiji Maldonado koja je u usponu vlada hladnija obalska klima. Regija Maldonado koju je 2001. godine pokrenuo *Alto de la Ballena*, doživjela je brz rast; danas se tu nalazi više desetaka proizvođača, privučeni siromašnijim, kamenitim tlima i hladnijim temperaturama koje su pogodne za uzgoj širokog spektra crvenih i bijelih sorti.



Slika: Bodega Garzón.

U regionu Maldonado pokrenuta je vinska cesta proizvođača - sve ih lako može posjetiti u jednodnevnom izletu iz popularnih turističkih mjesta *José Ignacio* i *Punta del Este*. Najveći proizvođač u regionu Maldonado, je jedan od vodećih urugvajskih izvoznika (izvozi preko 250.000 litara godišnje u SAD) je Bodega Garzón, koju je osnovao argentinski milijarder *Alejandro Bulgheroni*, koji je posljednje decenije u vinska imanja širom svijeta uložio više od milijardu dolara na četiri kontinenta.

Godine 2018. *The Wine Enthusiast* je vinariju Garzón proglasio za New World Winery. „Iako smo vino iz Novog Svijeta, vina imaju više evropskog okusa zbog vlažnog, atlantskog terroir-a, sa mineralnim karakterom granitnog tla“, kaže *Christian Wylie*, generalni direktor vinarije Garzon. „Naše različite izloženosti nagiba i hladniji obalski povjetarac ovdje u Maldonado znače da možemo uzgajati mnogo različitih sorti sa velikom sortnom tipičnošću.“

Colonia

Jedna od istorijskih vinskih regija Urugvaja, **Colonia**, nalazi se u jugozapadnom uglu zemlje, na obalama Rio de la Plata. Blaži klimatski uslovi kombinuju se sa pijeskom, šljunkom i krečnjačkim tlima kako bi se dobila nježna, aromatična vina od crvenih i bijelih sorti.

Posebno se ističu vina iz područja grada Carmelo, koje je ujedno i popularno izletišta za dobro druženje sa porteños (naziv od milja za stanovnike koji govore španski i otprilike znači stanovnici luke) iz Buenos Aires.

Druge regije

Drugi vinogradi i proizvođači koje valja potražiti duž obale nalaze se u području San José, posebno škrljčima Sierra de Mahoma; Montevideo, u vetrovitoj regiji Atlantida; i mnoštvo novih vinograda u najistočnijem primorskom predjelu Rocha.

U unutrašnjosti postoji nekoliko podregija, od kojih su najznačajnija središnja regija Durazno i sjeverna regija Rivera, koja graniči sa Brazilom. Ove unutrašnje regije uglavnom su nešto toplije i poznate su po svojim zrelijim osobinama sorte Tannat, vina koja su pristupačnija u mladosti i bijelim vinima voćnog karaktera.



Slika: De Lucca Wines.

Glavne sorte grožđa Urugvaja

U Urugvaju se uzgajaju brojne sorte grožđa koje često odražavaju i različita vinska nasljeđa proizvođača. Uzmimo, na primjer, *Pablo Fallabrino* iz Viñedo de los Vientos - on se zahvaljuje svojim precima iz Pijemonta na sortama **Nebbiolo** i **Arneis** - ili Artesana (bijela sorta iz regiona Piemonte u sjevernoj Italiji), vlasnik iz kalifornije, koji je zasadio prvi Zurfandel u Urugvaju. No, ipak glavne sorte grožđa od kojih se proizvode vrijedna vina su **Tannat** i **Albariño**.



Nebbiolo



Arneis

Tannat: zvanični šampion

Ova sorta grožđa više se uzgaja u Urugvaju nego bilo gdje drugo u svijetu, Tannat je šampionska sorta u zemlji, koja predstavlja više od četvrtine proizvodnje. Budući da je to jedna od sorti sa najviše tanina na svijetu, možete se zapitati zašto je postala prvak - šampion Urugvaja. "Nismo izabrali sortu Tannat kao takvu - izabrala je ona nas!" kaže vinogradar treće generacije *Reinaldo de Lucca*. „Svaka berba se ponaša veoma dobro, sa sjajnom bojom, taninom i kiselošću.“

Zbog svog obalskog položaja, Urugvaj ima značajne varijacije po godinama proizvodnje, a debela pokožica sorte Tannat može izdržati vlažnije, sušnije, toplije ili hladnije uslove i dati pouzdane rezultate. Štaviše, Urugvaj sada ima više od 100 godina iskustva sa tom raznolikošću, a ta stručnost navodi proizvođače da eksperimentišu sa različitim stilovima, od ne barikiranog vina Tannat do pjenušavog (crvenog vina) Tannat.



Vinari takođe sortu koriste kao sredstvo za izražavanje svog različitog terroir-a.

„Tannat vam može dati tako različite izraze“, kaže vinar *Santiago Deicas*, koji sa Familia Deicas pravi nekoliko sortnih vina Tannat iz cijelog Urugvaja - „iz naših krečnjačkih vinograda“, kaže on, „koji nude crveno voće, eleganciju, i živost do vulkanske

stijene, gdje dobijamo sočno voće i vrlo karakterističnu aromu slada ječma! " Svojom sve većom raznolikošću i kvalitetom, urugvajski Tannat nikada nije bio uzbudljivije otkriće.

Albariño: Zvijezda u usponu

Sorta Albariño je trenutno zvijezda u usponu u Urugvaju. S obzirom na morsku klimu zemlje koja je slična onoj u Galiciji i sjevernom Portugalu, ne čudi što ovdje uspijeva. Ali tek nedavno je Albariño posađen u Urugvaju – zahvaljujući porodici Bouza koja sortu ima u svom vinogradu u regiji Canelones sa početkom iz 2000-ih.



Vino je brzo postiglo uspjeh, a porodica je uskoro posadila više čokota sorte Albariño, ovaj put dalje od obale, u Pan de Azucar. Ostali proizvođači slijedili su to, tako je sorta Albariño trenutno jedna od najbrže rastućih sorti u Urugvaju. „Postoji veliki potencijal sa urugvajskim vinom Albariño“, kaže španski

vinški kritičar *Pedro Ballesteros Torres* (Master of Wine). "Urugvaj proizvodi Albariño vina sa lijepim mineralnim izrazima koji su vrlo precizni i definisani."